



風謡三選

入

18
2446
3止



2427止
西 18
2446
3止

風謠三選卷之六目錄

樂樓齋

李至和

七絕三
七古一

五律二

七律一

五古二

鄭尚義

七律一

金柏齡

七絕二

韓慶澤

五律一

七律一

殷大任

七律一

朴潤珉

七絕一

趙英植

七律一

申紀周

七律一

孫慶胤

七律一

金宗厚 七律一

金景燁 七律二

尹在義 七律一

金景文 七律一

金載潢 五律一

徐秉疇 七律一

洪益鍾 七律一

韓哲秀 五古一

文景鎬 七律二

金鼎祿 七絕一 五律一 七律一

金光彥 七律一

盧允弼 七律一

徐義錫 五絕一 七律一

宋寬鎮 七絕一

金禹鉉 五律一

梁宗潭 五律一

李象彥 七律一

李五奎 五律一

李時恒 五律一

金致潤 七律一

崔星煥 五律一

李鎮洪 五律一

河敬姬 七絕一 五律一

吳昌烈 七絕三 五律一 七律五 五古一

羅膺純 五古一

洪聖浩 五律一

金熙民 五律一

金啓麟 七律一

安慶龍 七律一

韓鶴年 七律三

洪宇琦 五律一 七律三

金禮源 七絕二 七律三

張錫輝 七絕一 五律二 七律三

趙秀弘 五律二 七律一

宋明鎮 五律二

安宅文 五律一

洪疇煥 五律一

張昶 五律一 七律一

金命玆 七律三

尹民性 七律一

金鼎九 七律一

吳永河 七律二

金敬直 五絕四

韓守訥 七律一

尹宗彥 七律一

李漢衡 七律一

金洛采 七律一

李思祖 五絕一

鄭日純 五律二 七律二

尹羲性 七律一

金興濂 七律一

金永冕 七絕一 五律一

金德祖 七律一

張道元 七絕一

李廷喆 五律一 七律一

李錫龜 七律一

姜處煥 五律一

李德祚 七律一

李應祖 七律一

李麟祥 五律一 七律二

崔忠欽 五絕一

安昌克 五律一

劉漢廉 七絕一 七律二

劉元柱 七絕一

金相基 七律一

朴謙浩 七律一 五律一 七律五

金鎮恒 七絕二

金秀齡 七絕一

全佐一 七古一

金興國 五絕二

李民天 五絕一

李命說 七律一

慎學敬 七律一

李民璜 七絕二

李在運 七律一

李鳳章 七律一

林虎 七律一

洪山柱 五絕一

朴基淵 五律二

李興潤 七絕一

風謠三選卷之六目錄終

風謠三選卷之六

李至和

至和字君協號鶴棲武靈人

馬上譚詩

驛樹風號日欲曛亂峰爭捲雨餘雲不妨泥滑馬蹄
倦細把新詩說與君

送侄欽

嶺雪溪風客路悠人情不但別離愁長貧好義真癡
叔救汝寒無一弊裘

元朝

生逢七十四元朝昔日歡娛轉寂寥唯有玉壺冰一
片炎涼閱盡不曾消

淮陽途中

巖壑多奇絕風流奈老何晚楓酣玉露層瀑倒銀河
寂寂聞禽語時時見鹿過幽深良愜意隨處獨吟哦

野行

野行多愜意下馬體還舒笑把淵明菊閒看沮溺鋤
秋光憐欲晚古俗喜猶餘指點林間屋晴窻可讀書

和李公默

池亭公退似山林喜把床書競寸陰何必遠逃塵世

事祗應默會古人心十年隣曲交非淺白首詩篇語
更深茲意慙慙良可惜聊將伐木一長吟

思親

母氏送我行誨我加餐食我亦勗我嬾膳羞馨晨夕
離家過五日濶如三歲積我心尚若茲慈母念何釋

歲除日書懷

弱齡抱奇疾閉戶觀羣書宿好雖在茲無成耻虛譽
性迂才亦拙中歲買山居穡事付彼傭石田活計疎
芷木從兒採匏瓜手自鋤峽農屢經荒胸中尚晏如
代謝不可駐增慨獨欵欵齒豁不知味髮短何煩梳

自顧身全老有志竟歸虛戒得寸心存常恐負厥初
富貴知分外緣木肯求魚矧余過今夕七十一期餘

臨津渡頭

昔我先人爲鎮將郵民遺澤尚不窮家兄曾渡此江
去白頭篙師流涕從問尔何事悲不勝謂接顏貌似
李公聞之我亦泪霑下自擬他日訪斯翁今我來思
翁不見居民唯餘後輩蒙欲攀舊蹟憑誰問停棹悽
對兩岸楓

鄭尚義

尚義字伯直號晚就齋河東人

幽蘭洞晚春

桃花亂落雨餘天地繡蒼苔柳織煙山翠和雲濃欲
滴松聲作雨起無邊鶯將嬌語三春轉蝶趁幽香一
夢牽千載聖門論氣象浴沂點也得之先

金柏齡

柏齡字伯茂號南谷泓瑞子

向李哥莊

長堤行盡復沿溪十載三過路轉迷隔樹人家知不
遠黃泥數處落牛蹄

靜思

每欲移家住近山此身於世不相關須營草閣無墻
壁盡取千峰入卧間

韓慶澤

慶澤字德裕號舍真齋清州人

遣懷

人生同古木老去半邊春慷慨心猶壯蹉跎鬢漸新
文章難得飽風月不嫌貧納納乾坤裏優游寄此身
安分吟
畱心澹泊豈憂貧不出門庭意欲寬病處方知無病
藥醒時還覺未醒歡詩書簡重閒中味物理玄微靜

裏看年過六旬兄弟樂况逢 聖世免饑寒

殷大任

大任字大衡號歸樂齋幸州人居古阜

登樓

痛飲三杯強上樓西州太守好風流少娥嬌笑花生
頰老客豪吟雪滿頭山帶夕陽千里沒雲舍秋意一
天收座中不淺清遊興此日堪消王粲憂

朴潤珉

潤珉字子精號浥華密陽人

示童蒙

唐詩三選卷六
講學非關萬卷書要須心性反求初一編小學先儒
訓熟讀終身用有餘

趙英植

英植字仲秀號弦窻志源子

暮宿青巖寺

昏黑須臾星滿天不知蘭若在巖前鐘鳴法殿僧初
定月到繩床客未眠松火熒熒山下雨雲春泱泱樹
梢泉塵寰已隔羣機息話盡三生意惘然

申紀周

紀周字邦彥號繡佛齋平山人

礚西山齋暮春雜咏

蒼苔白石一溪迴門對垂楊晝不開滿屋青山人獨
在數聲黃鳥客同來籜龍階靜滋新粉炭獸爐深換
舊灰好是如今風雨會落花時節故人杯

孫慶胤

慶胤字聖授號松菴密陽人

暮春雨中小酌

老來臨卷眼生花幾度春光鬢髮華芳草雨餘三徑
碧垂楊煙裏一扉斜嗟吾浪跡塵寰外憐子茅廬澗
水涯檐角忽聞來報夕查查鳴鵲雜翻鴉

金宗厚

宗厚字道述號梅窩忠州人祖默軒昌震見續

編

別友

誰知今夜送君情月放清輝入坐明歲暮郵亭孤燭
短夜閒山閣宿雲平詩成客榻皆離恨風撼寒篁盡
別聲莫道寬心相對酌含杯取醉却愁生

金景燁

景燁字一芝金海人

月波亭二首

逐岸柴門箇箇斜柳陰分與一株遮漁翁枕下三竿
水浣女頭邊一朵花遠渚人行疑鸛鷺曉天檣動散
烏鴉江樓借得圖書滿講說滔滔泛百家
江天時候暮朝新水氣如秋山氣春波雨送寒輪宿
鷺岸花無譜問居人白雲灑灑浮孤嶼碧樹亭亭出
遠隣釣罷漁翁閒日永少醒多醉任情真

尹在義

在義字正路號積翠玄風人

暮春小集

幽人性癖悅琴書遲日春風興自如茶熟比隣迎客

遠花飄高榻捲簾初數叢脩竹寒侵砌一面方塘暗
灌渠城市清閒勝草野南陽莫問有茅廬

金景文

景文字汝行號梅軒忠州人

客堂秋夜

水邨何處起清笳夢罷幽窻月欲斜秋晚疎籬霜菊
少夜深寒砌草虫多遙思故國書難寄久住他鄉髮
有華竟歲那知長作客梅花未發擬還家

金載潢

載潢字仲元號敬謹齋忠州人祖野愚義福見

續編

秋夜

蕭蕭木葉下月白鴈南歸遠遠時聞笛沉沉夜搗衣
人心隨俗變世事逐年非坐久蟲如訴悲秋獨掩扉

徐秉疇

秉疇字文玉號稷下扶餘人

次林子道得明韻

永日紋楸剥啄鳴一簾花氣際新晴已將淡泊隨身
事豈向炎涼逐世情夢裏芝顏頻悵望閒中瓊什足
精明邇來幸得吾多暇肯把孤斟解宿醒

洪益鍾

益鍾字謙叔

人

溪亭小集

繞庭林木不相齊梨北桃東杏又西稚子常因爭果
鬪幽禽亦解惜春啼涼生高枕客初睡雨歇疎簷雲
欲低斷麓知從太乙下一筇徃徃渡清溪

韓哲秀

哲秀字而俊

人

效陶體

衰病卧窮巷悄悄親愛疎長松繞籬落清陰庇茅廬

無薪不爨琴無酒不賣書既乏濟時才何能拜公車
歛跡甘寂寞隨分飽茹蔬蕭然一室內只有竹素俱
日夕誰與言俛默窮河圖斯焉適其適吟咏樂莫如

文景鎬

景鎬字仲若號蘭石南平人

洗心亭

風花忽起浪花隨涉處方知世路危深院濃陰如水
轉空山靜日抵年遲酒兵欲荷劉生鍾詞客爭窺杜
子籬是處清遊能再否白沙翠竹月中宜

次竹林堂壁上韻

寒花側側小樓東，落葉流雲颯颯風。
雙鬢秋從詩藪得，滿腔春與酒泉通。
了無塵事來區外，渾似高僧入定中。
君去南湖應寂寞，今宵毋負月當空。

金鼎祿

鼎祿字而鉉，號薇西，金海人。父慶宅，見續編。

畱龜城

殘夢初迴曉枕前，青燈猶照藥爐邊。
煙波千里家何在，碧瓦霜飛白月懸。

陳邨曉起

一雞茅屋下，松火隔川明。
霜冷身逾健，山空夢亦清。

數邨同曙色，萬木各秋聲。
南陌新秔熟，獲夫催飯行。

完山病中書懷

夢醒寒枕聞幽禽，卧閱殘篇擁敗衾。
當戶孤峰分夕照，繞階脩竹散秋陰。
人情每向窮途薄，鄉思偏從病裡深。
堪笑吾生真碌碌，白頭未得遂初心。

金光彥

光彥字景儒，號華山，又號翠澗龍宮人。

卽事

積水蒼茫對落暉，風濤如雪濕秋衣。
晴天畫角荒城近，碧海歸鴻古堠微。
聊遣鄉愁杯酒倦，更兼菰飯蟹

風語三選卷之六
螯肥春冰鐵騎關山路歷歷寒沙一夢飛

盧允弼

允弼字星右號醉石允迪弟

返照

棲鴉影閃樹煙昏紫陌平分半嶺痕冉冉相隨林外
徑蒼蒼自在水邊村染霞如錦歸山市逐浪生花暎
海門似有餘情畱一抹免教征客枉消魂

徐義錫

義錫字穎叟號松礪利川人

輓蓉湖金參判

東湖未乾淚今日灑西湖餘生孰依仰白首祇長吁

輓廣湖金副提學

廿載江干永閔音空堂白日水雲沈儀容疇昔冠奎
列文雅如今推士林金燭影中閑學遠紫陽篇裏繼
源深嗚呼斯世追無及茹痛長年淚滿襟

宋寬鎮

寬鎮字士慄號老巖礪山人

華城途中

三十年前曾到處馬頭迎我故人稀春風落日華城
路無數楊花野外飛

金禹鉉

禹鉉字士鎮號是閒軒漢陽人

古松流水間碁聲

雲深山影靜石老礪流清花下畱仙約松間隔世情
驪圖今日見蝸角幾番爭永晝煙霞裏碁聲雜水聲

梁宗潭

宗潭字道膺號栢軒忠州人

次夕陽樓韻

寂寂高樓下萋萋碧草多荒園歌古木頽壁倒新花
客到春風晚鳥啼山日斜行人指點語此地閱清歌

李象彦

象彦字大卿號梧軒天安人

秋砧

微風昨夜度城陰秋氣新晴積雨林機織七襄方濯
錦月明萬戶復聞砧却將閨裏佳人手共搗窻前遠
客心坐久蟲聲空外歇蒲庭白露葛衣侵

李五奎

五奎字德聚號松齋漢陽人

暮春遊北洞

為問桃花樹殘春餘幾枝偏多吹落日還憶未開時

爛爛如相待飄飄無定期令人空悵望林下費深卮

李時恒

時恒字景雨號灘菴廣州人

幽居

夕鳥歸深巷風林涼不停市煙生稍稍城日下亭亭
歌和園芝紫夢成池草青養精塵慮少淨几讀黃庭

金致潤

致潤字保二號菊菴漢陽人曾祖麗輝見續編

狎鷗亭

山光水色一樓前過客登臨意豁然煙鷺分飛芳草

岸風帆爭過夕陽天千年沙石孤邨迥十里桑麻大

野圓放鶴峰頭雲擁樹蔥蘢佳氣 二陵邊

崔星煥

星煥字季民號昨悔齋羅州人

偶成

三春如過客來往政無期柳色煙中好山容雨後奇
謝塵心寂寞得酒意驕癡吾輩有真樂教他庭鶴知

李鎮洪

鎮洪字士均號桂軒完山人

江樓

飛閣流丹立清江拖白來捲簾遙嶼出憑檻暮帆開
鷗夢平沙穩漁歌隔岸回塵襟聊可濯且盡眼前杯
河敬姬

敬姬字周淑號煙波晉州人

即事

暮雨廉纖風更斜蒼煙初起礪邊家蜘蛛猶有惜春
意巧當檐前腎落花

西湖與金學淵禮源共賦

夜來風雨惡花落積深園濃霧蔽山郭孤舟泛海門
長堤橫柳色虛碓動雲根寂寞書齋裏惟聞怪鳥喧

吳昌烈

昌烈字敬言號大山海州人官縣監

奉贐秋史金上舍燕行三首

貂裘衝雪暖如春酒幔茶檣夾路塵屋裏名花籠裏
身幾家畱得倦游人

文章博雅憶先師後五百年即此時縱有衰蘭佳菊
詠濟南誰復更論詩

晴雪迢迢明月多社中梅發奈愁何要知千里相思
處一夜東風滿玉河

客安邊二首

有酒忘西笑無詩愧北游鶯流亭午語花抱殿春愁
空翠沉梅雨微涼近麥秋當軒山色好客子可淹留
雨絲風片送春愁酒醒山光已滿樓是處堪爲長孺
卧幾人能作少文游閒雲淹冉峰如墮新綠沈濃地
欲流最愛庭前梨數樹飛花一一撲簾頭

琉璃廠贈章寅舉人

閒玩時從市上游偶逢還似舊青眸情知天下無雙
士家在江南第一州今日梅花爲伴侶當年楊柳見
風流詩書未卜平生約雲樹空添兩地愁

東庄謾吟

強從醫卜隱明時竹石胸懷老更奇未信淵明終止
酒誰言子固不能詩花香直欲通三昧山色真堪廢
百爲近日偶因春事好少年場上結新知

叢秀

跋石納涼臨水餐偶從行路得清歡禽棲巖穴全身
翠泉滴雲根透骨寒客子新詩吟欲瘦皇華舊刻篆
猶丹半生空抱煙霞癖故對孱顏不厭看

涇城途中

花信風輕盡意吹少暄多冷早春時頻年行路令人
老何處看山不我宜箕子城邊江似染乙支祠外柳

風雅三選卷六
如絲于今已慣西京俗欲寫新詞補竹枝

道中見山上畊田

峽裏少平田多在山上耕峽山頑且惡陡立復縱橫
蓄灰界天黑布穀入雲鳴老農叱雙牛懸度及崢嶸
有如開山丁緩驅神牛行牛亦老於事矩步惟人情
後脚引而長前膝跪而傾支離入脊冥諦視漸不明
不有白者過那知人所營辛勤乃如彼多作還少成
官稅尚不充豈有儋石贏寄語肉食人慎勿輕此氓

羅膺純

膺純字錫汝號不已齋文奎子

飲酒

古人皆已沒千載何漠漠儀容不可見事業還寂寞
斷編與殘簡俗儒談糟粕若生周孔前所談何依托
夷考言行殊於心能無忤萬卷都歸虛令人真可噤
我唯穹壤內知有飲酒樂枕上寒更殘窻間曉月落
黃昏柳迷堤白晝花滿壑隨景興不窮一時那無酌
醒餘亦醉好憂愁都消鑠如遊羲皇世物我無表襮
一元渾全真四體俱合莫願以醉鄉俟身後贈吾爵

洪聖浩

聖浩字道淵號菊隱聖濂弟

春晚

到老身難健逢春髮欲斑
忽驚花謝樹更喜酒開顏
邨友頻相過山扉故不關
非無名利志多病合投閒

金熙民

熙民字穉皞號警齋安東人

步虛閣

緩步來虛閣苔庭轉寂寥
峰高收宿霧溪漲卧長橋
落日禽投樹寒天路絕樵
披襟開小酌松韻似仙簫

金啓麟

啓麟字仲沃號遺睡軒順天人

過松京

荒涼廢苑幾春秋草滿毬庭
客子遊王氣已消空劫
雨鳥聲猶帶故宮愁杜門
洞外樵歌返善竹橋邊去
馬留回首那知前代事
青山默默水東流

安慶龍

慶龍字義瑞號磻西重禧從叔

西園暮春

蒲地清陰雨霽初柴門流水
枳翁居多栽嘉木才非
拙未買良田計豈疎老去
方閒抄棋譜年來頻病讀
醫書三春不理登山屐靜卧
高吟興自如

韓鶴年

鶴年字永老清州人

山居漫吟二首

候月彈琴卽此房卜居元自在林塘時時枕石心魂
冷日日評花口頰香選樹閒情同好鳥隔窻清籟獨
脩篁前身我亦莊園蝶不覓仙鄉覓睡鄉
種松記得著書年晝寂芸窻繞篆煙壁上常留宗炳
畫杖頭時掛阮脩錢半生節食非因病一向貪茶不
改顛竹枕石床成午夢水雲鄉裏訪真仙

書聲

擊節清陰晚興隨引風斷續摠相宜深深竹屋螢燈
冷寂寂芸窻鳥漏遲幾處城南同此夜隣家月下又
今時超然靜坐自無寐似玉其人從可知

洪宇琦

宇琦字德祖號錦西南陽人

宿奉元寺

老僧方入定吾亦已忘言秋氣空山肅風聲落葉繁
寒煙生石磴斜日照松門行橐將何物詩筒與酒尊
春歸夢春

一蝶翩翩過竹門先尋黃四養花村繞林恍似重來

約踏蘚依然昨去痕飛絮悠揚揔愁緒殘紅歷亂盡
詩魂無端惹入黃昏雨白髮綠春添幾根

愁

亂如徑草鉏還生若爲無情若有情社宇山深春又
盡梨花門掩月空明歸鴉暮色蒼茫樹晚角寒聲寂
寞城到處無端揮不去更隨春困上眉橫

燕子來舟中

閒情誰似客中春愁倚篷窗燕語新千里相逢如故
友今年又作未歸人煙波江上誰尋我王謝堂前舊
見身欲伴還鄉何處是回頭斜日岸烏巾

金禮源

禮源字學淵號野航德亨子

北莊紀行

黃荻吐蔓綠秧齊棗葉陰陰報午雞邨舍日長無客
到木蓮開落小溪西

贈李小塘

在寬

白石橋邊綠樹扉幽花啼鳥弄晴暉笑看一擔僮肩
重又到君家乞畫歸

遊北郊

仙梵穿雲遠遠浮從知蘭若在崇邱眼前諸品真明

性山外春光是謾愁蒲坐晝閒僧獨睡洞門花落水
空流新詩可當生公偈醉後高吟對石頭

北庄雜詠二首

遊春巾服喜初成選勝北山天氣清芳草如煙蝴蝶
懶桑林欲雨鶉鳩鳴花前老髮真羞殺酒後詩心太
硬生緩緩咏歸西日晚溪風拂面柳絲輕
半世光陰等擲梭故山歸夢在煙蘿眸星燁燁常疑
電胸海安安不作波沂水春風言志異茂陵秋雨著
書多如今貧病何須歎素性元非戀綺羅

張錫輝

錫輝字鳳如號翰樓德水人

七夕

絡角銀河七月秋紅墻一帶素雲流蕭蕭烏鵲橋邊
雨天上人間揔是愁

爲農

犁星明屋角籬落夜談農雨細牛鳴數風微鳥語慵
引泉澆晚圃耕火上高峰午饁來蓑笠平疇柳影濃

次秋水齋別玉山韻

夫子逢還別三湖杳一舸孤煙低遠嶼淡月散輕濤
天地酒樽大江山文氣高迢迢沙上樹人影在平皋

新燕

飛飛燕子趁青春社雨初晴御柳新拂水還從芳草
路含泥偏近畫樓人不忘舊主恩常重為葺前巢語
自頻往往蹴花來復去鸚哥簾額許芳隣

悼梅

六出花開野屋東誤將春色較相同回憐朽質隨凡
卉辜負仙姿怨太空一點香雲何處散十分窻月有
情籠早知無處芳魂覓移得分明畫裏功

聞北坡丈移居聽流

凍泉巖竇不停流松葉參差落暮秋一壑樓臺今易

王百年池沼盡成邱洞陰靜引新棲鳥江色寒生舊
泛舟記取分明畱石字風流無愧鹿翁不

趙秀弘

秀弘字毅仲漢陽人曾祖松庵時琢見續編

山居二首

竹簟迴殘夢雞聲近午天出門閒望遠偶坐小溪邊
柴門終日掩水碓隔風喧草逕無人至雞豚共一邨
乘昏到梁園

路出桑間窄筇過石上輕細煙連野暗孤火入邨明
四顧迷山色忽聞有澗聲困疲投店宿自是客中情

峒陰寓居

卧亦看書倦即眠與他麋鹿結新緣半塘微雨魚生子一逕斜陽鳥下田近日苦吟如患瘡有時端坐若參禪摩挲飯後便便腹養懶工夫自得全

宋明鎮

明鎮字士珪號東泉礪山人

老懷

志衰悲櫪驥技拙愧黔驢山社懶携酒荒園任廢鉏西風吹短髮南鴈斷行書散策柴門外紅林小雨餘訪友不遇

長松蔭其屋流水映寒扉斜日鳥相語白雲人未歸從知浮世事輒與素心違倚杖獨怊悵蒲山黃葉飛安宅文

宅文字致俊號日省齋順興人

聽鶯

忽醒山客耳鶯語入軒清乍見尋巢過更聞求友聲出花仍轉久穿柳故飛輕斷續歸何處林煙面面生洪疇煥

疇煥字致五號松塢南陽人

聽蟬

唐詩三選卷六

佳木夏涼生繁陰迥滿城雲蒸猶雨氣蟬噪忽秋聲
每以候時出偏多感客鳴歐公作賦意托興有餘情

張昶

昶字詠而號周旅混子官僉節制使

夜

海樹秋生早羈思病裏驚邊門真異域薄宦儘浮名
玉露星河淨西風枕几清拓窻還強醉曉角喚愁情

雨中寄友

海西時候後南天三月寒多柳未眠瘴氣雲和如潑
墨雨絲風逐似飛煙孤懷悵望還千里薄宦傷心又

二年待到花開無驛使折來那得一枝傳

金命珰

命珰字玄玉號癡齋金海人

日涉園小集

浪跡耽閒訪隱居靈臺寂寂返吾初當時悔學屠龍
技此日空憐飽蠹書鳥語百般春去後泉鳴一道雨
過餘伊來澹食知身健頻涉名園步當車

謾吟二首

年老心閒愛隱棲休官不愧伯宗妻捲簾岳色來書
案經雨泉聲注藥畦雙屐溪山餘舊習四時花月入

風雅三選卷六

新題多年妄逐皆形役始覺妍媸一任齊

經濟山林足自誇老來世味薄如紗夢回小榻茶香
濕日上虛窻竹影斜萬卷秋燈成晚業十年春雨種
名花客來爲問幽居樂薜荔裁衣飯熟麻

尹民性

民性字秀卿號東山坡平人曾祖壽河見續編

丙舍卽事

松楸入望却遲遲井臼依然隔短籬杖策疑尋新躡
地窻楣喜見舊題詩青山落日有哺鳥高樹西風無
定枝步步回頭歸路遠寺鍾已到夕炊時

金鼎九

鼎九字重允號賢岡忠州人

山齋

蕭條晚計一枝鷓棲止東林遠市囂老樹風鳴秋瑟
瑟虛簾月上夜迢迢琴棋有伴心常足書劍無成鬢
已凋堪笑平生痴絕性每逢麴米不辭招

吳永河

永河字玉潤號河槎同福人中進士居全州

赤壁

丹壁岩嶢摩碧天渟泓百尺劃長川屏顏洗出芙蓉

雨淑氣融成紫翠煙大壑龍藏雲不散荒臺鶴去月
空懸臨流歇馬徘徊久欲學蘇舟羽化仙

守歲

歲歲年年此夜過孤懷搖落復如何屠蘇味薄來賓
少爆竹聲殘閱世多白首還家無負郭青燈彈鋏有
悲歌儘知一刻終難守曙色微明倒絳河

金敬直

敬直字熙重號无咎子忠顯子

和人二首

卧想經來事難忘一片心蒼天明月下閒坐聽松琴

經營非富貴久抱力農心田屋吾將卜耘餘更弄琴

謾吟

閒趣誰能識清風面上吹無人芳草路花落自來時

自警

不言人之非吾心自有是未知賢否賢無怨真男子

韓守訥

守訥字子敏清州人

草堂秋日

卜築仁山錦水西階南階北竹陰齊柴門寂寂無車
馬苔迳深深只犬雞或恐塵喧來入耳故將尊酒醉

戒泥斜陽園樹蟬聲急白羽青藜繞菜畦

尹宗彥

宗彥字碩甫號松谷坡平人

次杜工部韻

蒲柳蕭蕭鴈影斜西風又見髮毛華碧天夜色空如
海暮境秋懷欲泛槎月白酒樓曾繫馬霜清戎幕幾
聞笳向來紫陌王孫草不及東籬處士花

李漢衡

漢衡字平老號混齋密陽人居興德

瀛洲卽事

春到瀛洲客到先將看梅柳艷陽天千年形勝人茲
在太古江山地盡邊大壑深深畱臘雪平郊點點起
村煙良宵靜坐談詩話會有月華滿一川

金洛采

洛采字景邵漢陽人

烏鵲橋

織罷七襄耿不眠憑將烏鵲續佳緣衛禽謾費三山
石漢客空浮八月船勝似跨江鰲背濶何如歸柱鶴
翎圓多情多恨還相別依舊銀河萬里天

李思祖

風蓬三選入卷六

思祖字大儼號梧齋天安人

雨餘夜坐

懶罷中宵夢呼兒急捲簾多情蘿月色爲我入茅簷

鄭日純

日純字士應號約軒昌寧人從高祖浣巖來僑

見續編

自安眠島發船至永保亭

仙槎天際去勝地鏡中來萬里煙波接孤帆夕照闕
蒼茫奔島嶼縹緲出樓臺眇爾臨滄海吾生信可哀
暮春作嘉陵尋醫之行路次 光陵店舍

古寺蒼茫際隔溪聽暮鍾濛濛山翠合歷歷野花濃
駐馬疑前路尋僧憶往蹤欲窮靈境去仙者可能逢

扶餘皋蘭寺次板上韻

舊國千年事杳茫羣山蒼苑大江長若言此地爲形
勝不謂當時有廢亡古渡寒煙來鴈鷺荒原落日下
牛羊釣龍臺古巖花落故老猶傳百濟王

三佳洞張氏舊亭

高樓岸幘始開顏曲曲飛泉面面山籬落數家黃葉
裏招提一徑白雲間勞形未信浮生樂遇境誰能半
日閒出洞相隨流水在停筇悵望暮雲還

唐詩三選卷六

尹羲性

羲性字光玉民性弟

病中

才微詩拙愧虛名病裏流光漫自驚浮世榮枯寧可恃百年出處未宜輕天心應亦憐窮困人事惟當戒滿盈春暝山窗無過客隔林時聽數鶯聲

金興濂

興濂字起卿號雲樵三陟人

詠野色

水清雲淡晚風輕滿地青蕪細路橫白鷺忽飛疎雨

過黃牛高卧綠陰生柳煙似織秧針碧村舍如浮麥浪平閒望欲窮千里目斷霞遙掛樹梢明

金永冕

永冕字周卿號丹溪淦城人

石瓊樓逢友

空翠溟濛遶四隣山樓日暮客愁新林梢虛白前溪漲帶雨孤燈夜渡人

夜泊斗湖

江雲晴欲散峽口風來時夜靜灘聲大山回月上遲漁燈菰葉浦人語木通籬咫尺魚龍窟長吟倚棹詩

風雅三選卷六

金德祖

德祖字俊卿江華人祖退靖齋春齡見續編

閒居

雪盡東風澗柳垂
雨餘流水綠漪漪
柴門閉後煙嵐重
烏几憑來日月遲
有意青山侵坐席
多情幽鳥傍舍危
北林詞客西遊遠
縱得春詩與語誰

張道元

道元字仁伯號東溪金溝人

次足閒亭韻

雨歇江樓綠漲波
夕陽山色轉嵯峨
漁舸葉葉爭投

岸老柳中間酒市多

李廷喆

廷喆字士圭號平泉全州人

早春夜話

園木生春意
簷禽向夕喧
畱人山下屋
沽酒澗邊村
明月今宵興
新泉昨雨痕
題詩宜促膝
幽趣可重論

書室小集

一樹梅花獨占春
清香更覺雪中新
樽前俱是知心士
世上難逢好學人
寒光的歷空山月
夜火分明隔水隣
相對團圓真勝事
沽來濁酒醉拋巾

風詩三選不卷六

李錫龜

錫龜字明哉號九江羅州人

詠燕子來舟中

燕燕初歸又一春湖南此日客懷新故園曾作尋常
主江上偏憐飄泊人似入山扉閱兩眼忽驚水國滯
孤身檣頭數語還飛去悵望煙波但岸巾

姜處煥

處煥字伯敏號石田晉州人

秋日秋川觀

秋風病初起得句氣能豪莫道尋常至自忘來徃勞

天寒孤鴈遠木落數峰高四十成何事鏡中生二毛

李德祚

德祚字汝受楊山人從曾祖聖中見續編

秋日西城

選勝吟筇趁夕暉風高危堞鴈羣稀徑深苔色多侵
屐山近雲痕半滴衣惟有黃花迎我笑不教紅葉向
人飛看來却恨秋光暮醉枕空壺遂忘歸

李應祖

應祖字大聲號松齋思祖弟

宿圓覺寺

九卷三選不卷六

諸天深邃轉虛涼秋水寒空共一光
客子欲眠仍借榻胡僧叩磬自焚香
回廊夜靜鐘聲遠古塔松高月影長
昏黑談經灰萬慮上方畱醉濁醪觴

李麟祥

麟祥字致昭號醉蓮天安人

龍湖漫吟

蹉跎老京國澹蕩志湖山洗眼煙霞外
抽身名利間好花羞白髮深酌借紅顏
隔水良朋在携筇日往還

東泉話舊

歎息人間有別離十年書劒漫棲遲
颼颼落葉江南

棹黯黯孤燈洛下卮晚景樓臺無地起
凉天風月少人知論心惟有東泉在
正是城陰雨雪時

憶東林諸友

歲晏亭臯雪照扉舊遊襟氣倍凄微
棲遲京陌雙蓬髮隱約江城一布衣
蘆渚水寒鷗夢薄稻陂霜落鴈聲稀
閒來若會山陰興策策筇鞋踏雪歸

崔忠欽

忠欽字士孝號梧月軒延祿八代孫
曾祖重範見續編

秋日過松石園先生故宅

風雅三選才卷六

黃花開滿谿秋雨室如掃獨有舊門生時來掇文藻

安昌克

昌克字仲燕號兩忘齋順興人

遊孫家庄

澗盡旋平陸桑麻翳一園磬鳴知近寺煙鎖認葳邨
煮茗依盤石傾醪枕碧樽臨流瀟灑地隨意坐苔痕

劉漢廉

漢廉字士范號竹園漢謙弟

西院齋夜

夜靜西宮月上遲夾城雲樹鬱參差剛如洛北深山

寺夢起禪樓獨坐時

九曲精舍邀數子共賦

墻根蟋蟀已深秋病裏偏多歲暮愁落葉蕭蕭鳴暗
壁孤燈焯焯照虛樓一天風露清如洗滿郭星河冷
欲流誰念柴門相送後半窻殘月意悠悠

菊秋雨中

田無負郭可歸耕幾向泥塗偏側行松菊猶存元亮
趣尊鱸空美季鷹名雝雝鴈帶秋雲斷颯颯寒從暮
雨生縱有親朋時寄字誰將樽酒喜相迎

劉元柱

風雅三選才卷六

元柱字善長漢謙子

夢遊山寺

山寺依然似舊遊
白雲紅樹擁虛樓
僧歸塔下三更月
鶴立溪邊一點秋

金相基

相基字慎哉號月海聲厚子

入武溪洞

浦地濃陰五月初
清風吹到午眠餘
松喬自在閒樓鶴
水活多生不種魚
漫逐煙霞臨絕磴
時聞雞犬愛幽居
樽醪傾盡仍高卧
朗咏詩篇與未疎

朴謙浩

謙浩字穉受號松隱順興人

江樓旅懷

萬斛羈懷百尺樓
春光徧入白蘋洲
歸心轉覺鄉山遠
往事偏傷歲月流
樵笛漁歌驚鷺夢
落花芳草動人愁
浮萍身世空回首
行盡關河數十州

金鎮恒

鎮恒字仲山號鹿門載明子

耳溪歸路

雲樹重重落照斜
亂山青映白茅家
樵兒晚帶村猿

下一束春柴半草花

春日過松石園感吟

松陰滿地草堂開壁篆渝丹暗綠苔燕子歸來人不見
辛夷花落舊詩臺

出東郭

殘雪明衣上尋梅到野居谷薪輸赤犢村酒佐青魚
遠寺孤煙直深溪積雪餘東岡他日計先子有田廬

三悔亭

峽坼樓懸俯海門登臨忽覺出塵樊商帆夜宿空江
雨漁火晨歸老樹村雲晦雲明分野色潮生潮落漲
沙痕中流泛宅今安在茗雪清風不可諼

宿金僊菴

福地人間此洞天上方蓮雨四時連清秋客語三條
燭靜夜禪心一縷煙樓倚高峰風在下窻臨迥野月
無邊空溪老石頭頭立應見生公說法年

蒲月臺

五百年光一瞬間故墟衰草放牛閒梧桐晚落沉龍
井躑躅春開振鳳山此日廢城無佛力當時專國摠
奴顏至今唯有西江月猶向臺前夜夜還

信宿

唐詩三選卷六
薇阿村外雪漫漫寸碧梧岡出數巒意到圓時譚未
易詩當妙處畫猶難土爐撥火燒雲液石井敲冰淪
月團却恨眼前多少景常教野老等閒看

病枕偶吟

風牕燈火耿高懸往事悠悠到枕邊青眼難忘王鳥
嶺白頭遙憶尹狼川星河夜久光垂地冰雪冬深勢
接天十載東西消息斷若為相對一樽前

金秀齡

秀齡字實甫號柳谷柏齡弟

羈旅柯亭

門庭洞豁散雞豚白石清溪別有邨抱膝客牕無語
坐蒲林秋雨近黃昏

全佐一

佐一字右輔號栗園天安人

酌酒落花碣

落花巖作墮淚碣女子能成烈士節嗚咽不盡江上
水寂寞空懸山頭月白日蒼蘚酌一尊石面應出丹
心血春風難洩千古恨子規年年啼未歇

金興國

興國字季良號巷隱金海人

秋夜聽雨

秋雨掩山扉空庭斷步履蕭蕭半夜聲樓外孤桐葉

春日謾咏

屋角喧禽語田家春意多送客柴門掩月明山杏花

李民天

民天字士仁號市隱天安人

遊北渚洞

城北多喬木繁陰翳日暉細流喧洞壑空翠滴裳衣

李命說

命說字爾沃號蘿山德涵曾孫

山房

曉夢初回月在東松風蕉雨鬧相同曾憐傲骨緣詩
瘦一任衰顏借酒紅經夜爐灰猶兀兀關心棧豆已
空空如山數齒滄浪髮合置幼輿邱壑中

慎學敬

學敬字文熙號雲田居昌人

山家雜詠

萬松如堵竹爲門中有山人午睡昏奔走紅塵非宿
志蕭疎白髮摠愁根既無俗子來相攪只許幽禽故
自喧戒與慙勤穉子語莫將屐齒破苔痕

李民璜

民璜字師古號雲樵慶州人登武科官僉節制使居咸興

雨中閒居

略約溪頭非字門花叢的歷草花繁溪光岳色摠堪畫此似江南何處邨

院浦路中

乎明南嶺少行人冰壁闌干帶溜痕葛屨履霜裙至膝邨娃來束澗中薪

李在運

在運字英顯號青臯天安人

東邨書室

窻前流水几前山山下柴門晝不關雲影自來疎檻外書聲時出綠陰間園禽欲下花枝動野客初歸碁局閒有約重來春又暮碧桃樹裏早鶯還

李鳳章

鳳章字致和號北源天安人

次暮春夜雨韻

落來花片點衣頻可柰韶光逝水濱半世浮沉餘短髮一宵風雨又殘春應知玩賞無多日強欲登臨少

故人從此良宵華燭秉吾生都是夢中身

林虎

虎字

慶州人

月城懷古

盡日南樓獨倚欄
一千年事海桑殘
秋生皆骨歸王
子石老金山卧角干
城霧猶涵冠蓋翠
野花還學綺羅丹
蒼涼奉德鍾聲外
畱掛仙桃落照團

洪山柱

山柱字

號萬丈平壤人

贈別

出門悄延佇雲外斷鴻聲
如何曾別處人去但畱情

朴基淵

基淵字愚如號癡齋密陽人

獨坐

空庭日欲落獨坐客愁深
返鳥應枝聚散雲何處尋
漫趨揚子賦虛負孔門心
蓬轉已三月床前聊一吟

看書

夏日雖云永對書每苦昏潛神
探理窟緩步踏玄門
蔽去蓬心濶虛來藻思翻
回光看肚裏還有一乾坤

李興潤

風謠三選卷之六

與潤字敬集宗愚子

書金陵童妓便面

金陵館外柳千絲乍解春愁不展眉恐被行人攀折
早東風和雨鎖枝枝

風謠三選卷之六

風謠三選卷之七目錄

朴基說 五律一 七律三 五古二

金聲寬 七律二

金永祐 七律一

金甲錫 七律一

金羲齡 五絕九 七律二 五古五

金允中 七律一

劉定柱 五律二 七律八

崔仁錫 七律一

吳天弼 七絕一

風謠三選卷之七目錄

風雅二選入卷七目錄

李宗萬 五律一

趙完軾 七律二

林宜煥 七律一

金敬熙 七絕一 七律一

韓致記 七絕二

安宅基 五律一

金聖基 七律一

李宗鎬 五律二

金鼎權 五絕二

朴載煥 七律一

金健植 七律一

李憲平 五絕一 七律一

李圭錫 七律一

金廷鎬 五律一

延性懋 七律一

洪義植 七律一

林瑜 七絕一 五律一

高晉遠 七律一

張孝懋 五律一

金厚儉 七律一

風雅二選入卷七目錄

風雅二選不卷一

申明顯 七律一

金基宅 五律一

洪大淵 七律一

鄭芝潤 七絕四 七律三十三 五排一 七古

白胤鎮 五律一 七律一

池泰升 五絕二 七絕一

金道淵 七律一

朴奎鎮 五律一

林鳳厚 七律一

劉璟源 五律一

張鎮國 七律一

金誠熙 五絕二

洪忠達 七律一

金傲植 五律一

吳點壽 五律一 七律一

田琦 七絕四 七律一

李馨達 五絕二 七絕一

朴基祚 七絕一 五律一

吳庠秀 七絕一 七律二

鄭大洽 七絕一

風雅二選不卷一 目錄

風雅三選

劉漢鍾 五律一 七律一

金濬熙 五絕一 七絕一

林性煥 七律一

失名氏

谷口老人 七絕一

采樵童子 七絕一

無名氏 五絕十三

無名氏 七絕一

釋子

彥機 七絕一

法堅 七絕一 七律一

清學 七絕一 七律一

性聰 七絕二

明眼 五絕一 七絕一

秀演 七絕一

處能 五絕一 七絕一 五律三 七律一

志安 七絕一

海源 七絕一 七律一

聖機 五絕三 七絕一

宇平 七律一

風雅三選

風謠三選卷之七

頓認 七絕一 七律一

義沾 七絕二 七律一

女子

元氏 七絕二

芙蓉 七絕二 七律一

竹香 七絕三

太一 七絕一

風謠三選卷七目錄終

風謠三選卷之七

朴基說

基說字而習號菊隱密陽人

述懷

長松蔭茅屋午枕却生寒病久事還少心清身亦安
壯年曾慕道白首尚縻官夢罷黃梁熟方知斗室寬
喜諸益來訪

病裏翻驚又一秋照書螢火未曾收蟲聲動壁涼生
室客子敲門月滿樓江上泛舟徒夢想樽前揮塵舊
風流無荒有戒君知否看盡壺乾且莫愁

日涉園

萬事都輸一局棋曾無可喜更何悲白衣送酒猶今日烏帽登山異昔時莫恨窻前風雨惡還憐席上笑譚遲重陽未屆黃花老吟望斜暉若有思

和諸益

荆門晝掩少人來一榻清風鼯若雷不厭相看青嶂在祇堪自悅白雲迴當年未學屠龍技今日空憐倚馬才斷送此生惟有酒酒餘萬事揔寒灰

劉德初在建

賦申彝仲

匡綯

道峰之遊取譬

證道遂步韻和之

一峰聳天中曩屭而縹緲誰能上絕頂萬里臨浩沓昔我在弱齡雪裏曾騁眺乾坤東南盡雲水上下繞衆巒逞高低遙海挹多少峰名名以道遺意如可曉安得如許大本是一拳小今焉聞君行心如朝日暎山上不屬山巍巍視當藐終鮮以約失莫嫌學寡謏爲道須日損百當在一了狂言多錯落庶可解意表京兆有祖孫爭貨兄妹訾食而相訟者判官金公總請緩其刑而諭以倫常之重言甚剴切皆感痛相抱而哭各自引罪余聞而喜作

詩頌之

風謚三選不卷七
明時無棄物 聖代摠好人不善非性惡教化或未
臻有教自無類三代卽斯民所以戒哀矜臨刑且逡
巡此意人鮮知有冤多不伸嗟我京兆郎愛親及人
親片言折大獄不使鞭扑陳說盡綱常重化彼豚魚
身兄妹免凌轢祖孫保彝倫曩時雪霜地今爲雨露
春奚啻一家幸將見百家新而我聞此言感淚自沾
巾緬憶先相公孝友屢世純移忠事 先王遺澤尚
未湮令郎善繼述官卑而德均恒存愛物心一命道
已馴我忝門下久復覩爲政仁喜極還生感逢人說
申申願言擴是心永保席上珍知有餘慶在子姓宜

振振

金聲寬

聲寬字舜教號睡鄉聲厚弟

錦社小集

名園日日赴如期三徑逶迤繞碧池歸身浮雲同我
倦真源幽境使神移深深竹裏來行飯寂寂松根坐
讀詩每過犁然無外事此中意味更誰知

金永祜

永祜字吉甫號悔軒景濂姪

謾詮

悠然寄傲小林園
泉脉分來別有源
蝴蝶無人不在
夢煙霞何處是
仙根幽禽語到
清琴榻喜友顏
闌綠酒樽想得疎
簾看霽月寒侵
蒼壁近黃昏

金甲錫

甲錫字慶乙號愚谷景濂子

敬和叔父客中韻

思家幾日立清宵
過盡秋天碧沈寥
風急斷鴻驚夢
度霜寒病葉和愁
凋黃雲催穫憂民
苦白髮偏侵不
我饒稚子衡門知
久待計程鄉國一
何迢

金義齡

義齡字伯敬號素隱洛瑞子

農謠九首

小麥才青青大麥猶未黃
久旱方小雨好是山菜長
秋納萬顆粒春受一包糠
糠猶飼馬牛其奈沙半強
約正素多口面任亦喜事
西舍母雞肥東鄰酒熟未
居人皆稱土軍丁復幾人
糞田無餘力疊役復侵身
孩兒方嬉戲寧知身有役
人生豈不貴生爾復何益
前宅借牛去後宅招我來
我土雖不廣何當辟草萊
莫說鄭俠圖不求黔敖粥
但願賢太守賑貧減鞭扑
經界鄒夫子便宜汲長孺
九原如可起庶幾民安作

歲事未可必黽勉就田功田功敢不力今年庶遇豐

暮春次韻崔穉明

景欽

深深門巷愜幽居草草茅茨似太初時種神仙無上
藥聞看爻卦以前書數竿綠竹春依舊一片青山興
有餘老去頽然同木石對人渾忘辨熊魚

實錄畢役還家有賦

久矣今朝見華山歸來終日掩荆關曲肱頽卧琴書
內負手徐行草樹間過境終知皆幻夢還家始覺有
餘閒里中父老休相問白首十年依舊顏

次呈存齋

四民皆有爲有爲爲有求誰能有爲內內自有天游
至愚者守錢陸陸白盡頭自高者放浪世事意不留
二者本一致是非交相尤憶昔羲農世萬姓安土區
作息有餘力時種復時收貧不填溝壑賤不美公侯
如何何如人便出兼并謀遂令天下亂憎毒流千秋
已矣無奈何今將誰與儔非病蓬蓽憲不耻緼袍由
幸賴古人書飲酒且忘憂

德初作勸飲詩示我我則論詩仍次其韻二

首

可興亦可觀有懲復有勸洋洋三百篇布帛與茶飴

鳥獸鱗蟲細河海山岳健沈潛道中和咏歎排鬱悶
仲尼蔽一言後人仰成憲國風辨謠俗雅頌敷格論
周公述文武揄揚無餘恨正聲托深意典重復繾綣
當時被絃管千載徵文獻節奏雖未講忠厚寔愜願
漢魏如醍醐充然在一飲六朝具水陸摠是大官品
唐人下鹽豉濃淡極精密法醞競新奇玄酒遂以寢
已失杯飲樂律令嚴凜凜從此少真味有如食失飴
青邱屬秦運文章富因廩五山列飢餒皇華反瘁噤
簡易遺膾炙後人嗜轉甚磊落調羹手不待賤子諗

次朴而習

基說

戒酒詩韻

酒國無爵土舉世趨遑遑但聞有賢聖未聞有帝皇
我欲徵遺迹恨無史材良云云徒滕口反覺言之長
儀氏初樹立勲業亦未詳後葉漸昏亂摠爲酒所殃
滔滔數千載有口無不嘗率土皆來服封壇本無常
寧適不來耳酒國未嘗仁糟堤連脯林暴殄干天祥
神禹垂遠鑑流弊先已量童殺戒僚佐好樂庶無荒
椒湯幻名字嚴機忽相忘替壻說以隱陳齊賴再昌
傾壺洗食馬直爲鎮郎當絕纓停呼燭無乃赦勸勦
阿季多與仲榮養在壹觴不有叔孫生詎知樂未央
所以禮三百扶持啓成康百拜今不講四維久未張

誰能破酒國破當銘太常破酒人其人庶見樂洋洋

別申彝仲

隨醇溪李學士
關西試士之行

男兒須遠游遠游必名勝勝地當有詩無詩何以證
昔我之湖南千里走平壘舉目無一奇山殘水亦賸
有時逢雨雪馬蹄困泥濘行役日橫心况復動詩興
異哉天游子翱翔實天定青雲追逸足秋風飛雙燈
邈矣出西關冥搜無不罄臨津訪徽躅古亭依雲磴
鷓嶺餘荒臺鳥雀悲林暝朴淵飛流白竹橋畱血艷
百二青石關往事何蹭蹬平山儼遺像下馬躬折磬
泊舟入西京旋過衣履糊遺風問八教古所驗九稜

樓榭一寓目始覺遜所聽銅山萃多士咸售鳧鶴脰
銜命奮公正重輕自有秤爭詫處囊遂敢歎叩角甯
輸贏俱悅服頌騰麟之題子今亦與榮弱枝幸托鄧
飛蓋向龍灣拂衣上駟乘列綬來問訊長揖辭饋贈
草草從邑供空空任行勝停轡問路歧候吏鞠且馨
今已竣王事逍遙詎逕庭太白降神嶽東明昇仙
廷七佛淺深水百祥縹緲墜金仙已仙去空臺猶破
甕定城憶澗難哀彼釜中繩纔憇龍川館迥臨鴨水
澄統軍亭上立朔氣如陰凌雖非介冑士慷慨酒易
醒俯仰無限恨臨風踞高凳撫事到忠愍斗膽忽中

巨徒將一隻手欲救萬人精偏袒銘背穹投憤裂眦
瞪向隅倚骹麟入室媚嬖媵當日方可否後世乃忠
佞浩歎遙北望塞煙杳懵懵是時天游子左右備對
磨命以詩紀述逡巡謝不稱繡肚積蓄久輪困十月
孕朗吟玉山聳紆思秋波瑩玄關屢闔闢妙機紛締
經序事同拾級體物如響應萬象森眼前歸路且欲
瞑大匠初結構工倅勤雕鑿抑揚六馬轡沈着萬斛
斫郁郁春英敷皎皎冬冰凝旖旎雲卷舒正直繩綳
緝須臾揮灑出巨纖無漏零長跪函丈地點化仰高
訂瑟瓌淘璣珠精明鍊金錠偉哉天游子清緣何斯

另嗟我空美蚘蹠踣困夔夔腐臭甘自嗜焉知味
莖藤西風聞叫鴈嗒然短几凭子今何當返吾將掃蓬
徑

金允中

允中字士執一名光鉉號六愚月城人

一松亭

崖幘追隨趁晚期西亭爲有一松奇行攀古柳鶯先
覺坐選殘花蝶未知對景老人悲白首惜春兒女恨
空枝東皇稅駕畱無計分付家僮備餞卮

劉定柱

風語三選不卷十
定柱字仲麟號默齋匡鎮孫

桐葉

碧榦交加密清陰更覺幽近窻工聽雨飄并聖知秋
受月光偏動含煙翠欲流剪來堪寫句漫興筆端收

仲秋江舍曉起

遠雞鳴不已霜氣一何淒鶻鳥隨人起溪雲與樹齊
宿帆寒未發殘月淡初低幾箇營爲客此時東復西

春盡日

苦歎畱春春不住惜春還賦送春詩可憐西日無由
繫祗恨東風不暫遲四散飛花有底急一團狂蝶空

相隨臨流吟望倍悵悵非是明年無此時

睡鶴

一足拳來翠竹陰晚涼多處着眠深月明苔逕疑迎
客晝寂松窻若聽琴豈有人間稻梁夢未忘天外水
雲心芭蕉池上悠然立不省茶煙盡日侵

返照

萬井煙沈草樹昏蒼涼落日歛紅痕殘霞隱暎依山
郭疎雨分明隔水邨數帆江光翻極浦一蟬秋意滿
閒門啼禽曠野應愁絕何處行人欲斷魂

次同舍韻

書劍無成歲月多，知非不待十年過。已分樂地惟名教，未必風流在嘯歌。返本我曾聞土偶，熱中誰復學湯婆。求田問舍渾閒事，逢喫時行一任他。

雙松園賞花

自是尋春即送春，尊前怊悵落花辰。地因嘉樹畱賓父，家為名園換主頻。曠感黃壚琴韻絕，重來玄觀鬢華新。閒情未抵芳時恨，盡日流鶯惱殺人。

雙松園

紅飄墻角綠齊椽，多少春光風雨前。白髮新添愁病裏，青山長在夢魂邊。蓬門苔逕相迎地，流水桃花別

有天愧殺丁寧林，下計為他婚嫁度年年。

和方白醉孝一韻二首

家貧尚未買山居，移卜清溪數載餘。從古是非懷壁後，至今身世繫匏初。明時忍作歸田賦，小屋猶藏教子書。白髮經秋還有病，蒲庭黃葉客來疎。

馬曹隣近丈人居，學得風流拄笏餘。阮掾名傳三語後，楊公廉著四知初。身安尚有嘔心病，眼眊空成畫肚書。晚景詎思南徑捷，除非官事出門疎。

崔仁錫

仁錫字子元 人

月波亭

十載鷗盟此日尋
滄波滿地漾輕陰
青袍孰與蓑衣
爽白屋爭如野艇
深駟馬高車非上計
枕流漱石是中心
誰言詞客貧無賴
賣賦堪爲買酒金

吳天弼

天弼字士元號惺窩海州人居義城

題畫扇

花柳春深晝掩扉
水村山郭映依微
孤舟歷歷斜陽外
知是遊人載酒歸

李宗萬

宗萬字甫衍號月浦完山人五代祖芸谷鼎成

見前編

晚眺

涼天青杳杳仰視數鴻過
日夕柴門靜山居秋葉多
村煙隱犬吠隣杵間樵歌
歲暮風霜至其如芳杜何

趙完軾

完軾字敬瞻號蘇山白川人

聽笛

秋天月色靜中多
一曲風飄嫋嫋過
倦鶴空山寒警
露老龍深壑細吟波
高低征婦愁邊杵
斷續聞人醉

後歌別有明朝怙悵事其於滿地落梅何

礮西小集

山家歲暮雪紛飛唯有寒梅獨不歸志似老騏千里
在身如宿鳥一枝依爲邀客子來明月休遣松扉掩
夕暉半世何多干祿計晚尋泉石覺前非

林宜煥

宜煥字晦而號蘭皋得明子

詠芳草

芳草萋萋繞岸斜平如遠水綠無涯朝含細雨迷山
徑晚帶濃煙接野家數點分明飛去蝶多情交錯落

來花千年不盡昭君怨一塚春光塞外賒

金敬熙

敬熙字孝簡號私淑齋柏齡子

錦溪行春

錦水橋頭問酒家洛陽春色浩無涯西園布穀聲聲
急一夜東風萬樹花

題鄭氏山西書室

城西偶得辟疆園洞復渾無井市喧澹澹生涯同學
圃依依籬落各成邨詩緣酒氣題春色柳與花心帶
雨痕幸卽林泉從我願乘鸞何必訪仙源

韓致記

致記字士佚清州人

梅花二首

老石孤根冰雪天廣寒清絕不成眠十二欄干偏黯

淡月斜樓上夜如年

右梅魂

月姊寒生雪映樓冰魂悄倚曲欄頭分明一夜明妃

夢盡入羌兒玉笛愁

右梅怨

安宅基

宅基字履叔號日休齋宅文弟

寄遠

別君玉窻下幾見櫻桃春開篋書空積當花眼更新
簷前畱夜月壁上起秋塵愁裏忽忽說憑傳遠戍人

金聖基

聖基字和汝號重齋金海人

夏日雜詠

百年棲息問如何石火光陰夢裏過芳草小橋朝雨
急綠陰深巷夕陽多農家飽飯田中語蠶戶條桑陌
上歌不是青山無可樂有時湖上對煙波

李宗鎬

宗鎬字叔京號八一齋慶吉子

秋夜杏亭

被月當空卧何妨露濕衣秋聲高樹在人影小橋稀
酒得新涼熱病從殘暑歸行吟澗柳下宿鳥驚還飛

酬梧窓

于今知己者默數幾人存殘雪斜陽郭寒雲古木邨
居家還守拙處世欲無言閉戶煙光暮悄然撫小樽

金鼎權

鼎權字幼凝號大隱漢陽人

遊青巖寺

洞闢青山轉招提一路斜白雲僧獨在四月杜鵑花

秋夜

老槐餘落葉疎屋半寒星霜戶砧聲急幽人步小庭

朴載煥

載煥字景厚號守分齋東寓子

別同研友

携筇負笈舊樓還幾日清軒相對閒筆勢縱橫驚似
電詩情起伏險於山青春課業辛勤久黃甲題名想
望間勞酒一壺君去後每當風雨憶敲關

金健植

健植字穉行號西山德亨孫

詠槐陰

梧桐井畔竹欄頭
漠漠槐陰又一樓
鶴步深穿煙乍濕
蟬聲高出雨初收
張空翠蓋立無際
蒲地碧雲凝不流
夢穩北窗涼意足
笑他南郡漫遲留

李憲平

憲平字聖安學懋子

客至

鎮日凭几卧蓬門
忽然開始謂東風
急溪南故人來
辛勤携手上層軒
別後秋懷雜笑言
蟲語冷於溪石

暮秋客館逢舊友

氣茶煙碧似岸苔
痕歸僧信息參蓮社
高士胸襟澹菊樽
曉冷襲衣相枕藉
夢隨征鴈到鄉園

李圭錫

圭錫字季成完山人

碧溪亭

匏花籬落補山門
路入三清隔市喧
半畝庭閒雲在地
百年松老石爲根
王孫有宅非前度
仙子留名尚舊痕
隨意吾行無管束
提壺歸去聽禽言

金廷鎬

廷鎬字輔卿號小香宗采子

歲暮言懷

歲月堂堂去人生能幾何事從忙裡去歡向夢中多
夜雪仍朝雪長歌復短歌清狂頗傲物俗客未曾過
延性懋

性懋字汝天號溪隱谷山人祖載欽見續編

小集

背山臨水此幽居風物詩情兩有餘泉迸石根空潑
潑身從塵外自如如家僮睡起分調鶴野老閒來伴
釣魚只許騷人携酒到柴門何必繫高車

洪義植

義植字致宜號靜湖聖浩子

書懷

淒風寒雨打窗楣騷客逢秋有所思破硯生涯憐蹭
蹬荒田歸計恨差池經綸不及蜘蛛遠懷抱還隨蟋
蟀悲落木聲中寒不寐挑燈坐閱自家詩

林瑜

瑜字元瑜號丹泉羅州人

和鶴田作

草暝沙長日欲斜柳條垂岸兩三家一聲黃鳥春歸
盡滿坐落來山杏花

和柳文山兼示張玉山之琬

二子詩能善高才吐漢唐飄零羈小宦磊落卧他鄉
窻暗三更月苔侵半畝塘相思獨不見幽夢雨中長

高晉遠

晉遠字近哉號斗隱濟州人

雨中寄游山諸友

疎慵多愧負佳期塔爾閒眠午影遲從我者誰惟有
酒自君之出廢題詩禪龕夜冷根塵淨霜葉秋深色
相移遙憶山中今日雨清遊愁煞菊花時

張孝懋

孝懋字勉汝號玉泉昶子登武科官五衛將

秋意

昨夜秋風起居幽意欲豪雨歸蟬語集樓靜水聲高
殘葉孤棲樹流螢暗點袍老炎歸酷吏閒步可林臯

金厚儉

厚儉字仲約彥陽人

雨後客至

索處還如豹養斑看書日日掩柴關寒花影倒幽窻
下早鴈聲沈暮靄間此世惟君能遠訪好懷不醉莫
言還滿簾一色青如黛雨洗墻南木覓山

申明顯

明顯字致德號蓮川平山人

懋齋書屋小集

午睡初醒日已西
隔窗幽鳥百般啼
頻繁春雨林塘潤
窈窕青山草屋低
盡日琴樽心界靜
數年刀筆夢魂迷
捲簾獨坐還無賴
更就床頭檢舊題

金基宅

基宅字定哉金海人

記夢

五更猶短夜春枕困相催
斷夢頻驚冷芳情不暇裁

流鶯仍曉日滴雨已庭梅
半醉青驢背矇矓載酒迴

洪大淵

大淵字繼善號花隱南陽人祖遠澤見續編

贈人

引睡深深卧草堂
春城雨色動微涼
好花畱客偏當檻
濁酒邀人每過墻
對賭文枰山愈靜
細尋詩境日初長
遙知霽後湖南舍
一樹薔薇也自香

鄭芝潤

芝潤字景顏號夏園東萊人官判官

梅花三首

一任繁華與寂寥春頭臘尾也消搖纔於有意無情
處已壓千花不敢驕
錯疑峭處欲冰人坐久沉沉勝飲醇揔是明珠無價
顆一花另有一花珍
淒淒縞袂動愁端易作隨緣野客歡縱具阿嬌金屋
分乍當籬落便荒寒

白蝶

夢在香中日幾回粉顛雪倒入春來分明新搦滕王
帖點破空庭漠漠苔

萊州村舍六首

蕭然短榻閉門中間緒無端欲惱公不可踰鄉和氏
璧失之於國楚人弓連天曉夢飛殘粉似海春愁落
片紅未覺窮荒濱寂寞向來漂泊類萍蓬
絲雨絲煙悶煞儂江村花發似吳淞韶華不管詩人
老流寓初隨野客蹤病後厭看杯面大愁來難使筆
頭濃算他一事堪奇絕非久南風笋作龍
昆明劫後卧滄江取次銷磨熱一腔此日春風欺薄
袂幾年夜雨守寒釭回文田水流如織丫字遙峰立
對雙酒散人空誰喚得斜暉殘夢共閒牕
不堪回首十年時世好全隨往事移作賦何須逢狗

監論交只合過牛醫天涯終老元非計日下思歸未
有期刻意傷春春亦去杜郎從此鬢生絲

子城西外雨霏霏草樹沈深長翠微地濕蟲蛇連晝
出村荒樵牧未昏歸十年嶺路曾來客三月京塵舊
化衣正欲扶筇高處去不須騁望已依倚

家家襤褸事菑畚堪愧先生閉戶居是處煙霞期晚
晚向來文酒會蕭疎黃昏不滿雙蓬鬢滄海爲隣一
草廬新網琴高鱗徑寸何曾此物解傳書

作詩有感三首

最玲瓏處性靈存不下深功不易言入妙應經探虎

穴出奇何減鑿龍門金塘融日花無質玉殿清宵月
有魂幽徑只堪時獨逞勸君莫寄大家藩

慚愧吾人設計初回頭歷歷已多疎淡然纔覺工夫
到率爾終難習氣除數酌蒞盟千種恨孤燈知狀十
年書撚髭任汝莖莖斷有底新詩錦不如

無題吟半寫陰晴剩把閒情換瘦生另是酸醜書外
味勝於絲竹畫中聲才原一石論何易字係千金下
未輕惟有東風收不盡杏花村畔又清明

春日書懷二首

愁關不受萬夫闕鐵限前頭我又來日月無情徒白

風言三選不卷七
面英雄有骨亦蒼苔弱年艷慕詩千首末路歸依酒
百杯未免一場聊復爾東風取次見春迴
非禪非道坐關門夫子何妨喚作村人厭舌尖繙世
態新將眼力試春痕秘磁茶脚松蘿淡古鼎香雲柏
子溫賦就巧當時雨夜也應催返百花魂

花魂

歲歲煙光似轉輪新叢記得舊精神漏根何處歸來
些香國前生未了因暗入杜鵑聲裏恨長成蝴蝶夢
中身分明句引黃昏月庭院無人囑寫真

夜有穿窬

月黑風喧冷舊氈家人警報正騷然慢葺老屋堪懸
磬奇貨殘書是直錢不待閉關嚴自解只因清野卧
能堅檢來竟失蕉中鹿便腹明朝又一眠

穫稻東峽戲作

泥戶松燈不設關農談相許夜深還苦緣村局三杯
酒全負詩囊十里山處我何妨糠粃際較人堪愧斗
筭間初來白面耕難問塵土如今已在顏

關東賞梅

開眼殊方忽見春一尊風味療清貧迥臨太始誰同
調力挽陽和是隻身雪後欲尋江上路夜來先夢月

中人知應笑殺巡檐客染盡衣邊十斛塵

安定寺春日

數了珠回拂柱頤山僧相勸學無為爾言夸矣人皆
佛此日茫然我是誰丈室鍾魚初定後一身海嶽倦
遊時虧他吹送清涼地多謝春風作導師

東閣二首

寧從東閣使書空苦乏田園賦未工時有傍觀論塞
馬初無久計任泥鴻粟囊已在侏儒後場鼓旋催傀儡
中若遣痴兒公事了誰知歇后我家風

廣文祗是散人銜徒步衝泥巷北南同隊有魚鱗鬣
貴入羣非鶴稻梁慚桃符見退時猶未沙磧相淘戲
不堪却愧玉郎當日事馬曹那得付清談

次右卿韻二首

葉脫山添數角峰慘青冷碧更重重乍聽微霰當窻
竹慣作驚濤滿院松處士爲文仍自祭渴羌得郡是
移封濃句淡抹俱停手老去兼忘悅已容
靜坐多常不讀書閉門隨處得閒居談天炙轂駭時
聽掃地焚香遊物初枕上睡甜勝蜂蜜尊中飲快憶
鯨魚野狐鸚鵡禪俱似非是當年面壁餘

臀腫二首

癰腫徒聞享大年
尻輪無計馭泠然
根從耐得寒羶
坐形作磨來舊榻
穿顧眄寧論鞍
上據跏趺已廢定
中禪尾閭有穴元
相近漏處難辭小
滴涓如廁英雄泣
髀時葑菲况復刺
人詩膚灾無奈床
偏剝針坐何由席
暫離盡日馬摩難
着癢幾番狼顧欲
成疑明堂部位猶
差歇知我從前罪
固答

白蓮寺

訶罵笑拈時縱談
白蓮花發古禪庵
爾能有法原非
二我自無生不待
三平等心遊兜率
上閻浮身在大
洲南山空木落人
間世手爇爐香一
夜叅

城西唱和走筆八首

荷竹深涼境澹如
衣襟一夜最蕭疎
新秋已入沉吟裏
千載相逢寤寐餘
措大可能錢塞屋
酒人端合鍾隨車
閉門歲月堪消受
不爲窮愁欲著書

養生主乃酒嘗新
不學熊經與鳥伸
幾劫前身是明月
四時爲氣獨長春
初知嚼字蓮心苦
老戒耕人薑性辛
綺語到頭成結習
隨緣猶自說津津

殘暑連朝減一分
樓頭雨後是秋雲
絕交未就嵇康論
乞巧還憐子厚文
新態風煙晴始露
真香草樹晚偏聞
醉鄉有路吾將隱
作記他時合倩君

臨去躡踏惜此筵淋漓瀟灑兩堪憐已看境裏詩兼
畫始覺閒中日似年畱客能沽容斗飲寄隣有句遞
筒傳樓頭爲是西山近不待朝來氣爽然

槐柳垂垂碧玉條扶疎門巷覺清高樓中詞客呼長
笛禁裏仙娥誦洞簫與子畱神從翰墨忘吾渾迹到
漁樵相逢一笑非無意東野爲龍亦可謔

一方硯面割雲腴數尺琴唇剖石枯寧用歎嗟逢二
鳥依然補綴集千狐無肝不必疑陳主有目誰能識
子都添得蓴鱸最多事散人元自住江湖

無端汗漫亦清遊一代風騷少與儔霞片送丹烘滿

席山光分碧遠生樓舍風茶乳笋初轉經雨蕉書墨
盡流最是人生難耐處蒼然冥色赴閒愁

一番棖觸又黃昏誰把閒情與細論山雨遽添入池
水秋花續發繞階盆今世何人還似我古來難免此
銷魂虧君共倚闌干曲執手移時笑語溫

白雲樓二首

遲日樓中喚性靈夏雲多白夏山青心光滿似觀音
月身世微如處士星野菜食單鋤舊圃石泉茶品汲
新瓶年來已是言詮斷倚策時時立晚庭

不能一舉作神仙遺落塵埃道路邊斜日流泉今去

去幽花閒草舊年年我生自有天生趣愚死何如醉
死賢避暑因成兼避世山中事事却飄然

百韻排律上心庵提舉相公

人生不滿百戚戚復何傷前哲旣云邈吾曹空自忙
療痴誰得劑涉世未諳方酒債饒詩債花荒複月荒
孩提元慕藺憂苦始驚姜譽竊潘安少隣遷孟氏芳
荊州書譬借魯國壁同光弱步思騏驥雛毛待鳳凰
茆茨非死所文字笑飢腸烏兔流雙疾蟲魚注兩忘
厭他腐儒氣追彼結交場陸博寧檐石聲名欲楚梁
一言三太息十載九他鄉西去探窮域南遊犯大洋

虎林衝雪履鯨窟折風檣豎髮增蕭颯熱腔添激昂
燕雲來未了蓬丈指相忘羅代遺墟弔香城宿願償
登臨徒感慨閱歷只回徨紙刺懷間減貂裘體上涼
悠悠成櫟社忽忽見蕉隍春夢方抽緒秋懷遽濫觴
天涯流似梗往跡戀如桑回憶馮驩劍初從馬氏堂
骨筋帶顏柳口吻入蘇黃此日門羅雀當時繡度鴛
灌夫猶罵座賈傅已浮湘歷抵宜無合艱虞實備嘗
夢情心所飽梅意齒曾詳棄物漸遲暮翰林誠慰將
畱神看臭味握手恕顛狂主試評爲鏡緣情句有香
酷能似甥舅貴豈藉金張因見田間獵復思車下攘

風謠三選 卷十
帷功終愧董詭笑輒羞揚肱或頻經折鬚皆半斷蒼
西崑穠矣艷北地倨然強力逐心兼手才疎汗且僵
應酬調格損迫促性靈妨若箇千秋業誰爲百鍊剛
境遙難啖蔗癖苦每菹菖俚儻登場戲衣冠入座倡
鼉聲多叫鬧紫色正披猖棘棘橫塗道班班啓孔瘡
未知鹽着水寧信樹生薑戴粒何關蟻轉丸真是蜨
經營誠贖贖摸索謾悵悵妙處無傳訣病時能在盲
與其瘦成沈還勝渴爲羌始有因循迹仍辭研墨傍
途窮攜阮籍才退弔江郎門席求陳孺園花過辟疆
高歌非按譜短褐豈時裝江左宜任責河東果得謗

明公於此世砥柱在中央邃古臨雙眼諸家攬衆長
文之而黼黻飾則是鏞簧玉管絲綸字金闈錦繡裳
漢槎華國藁海節愛民棠齊正持文苑雍容步廟堂
太平歸一片功德獲千祥餘事依樓笛無遺脫穎囊
龍門榮得忝蠹刻獎過當孰謂崑崙崙圍還添糞土墻
聯非續韓孟詠敢列山王舊雨紛吹散晨星斂色芒
一場聊復爾半世宵然喪羅隱非科第裴休寄院娼
尉遲錢固鏞居易米騰翔典庫投殘帙債臺連卧房
後圖禦交謫溫語勉羸尪人避門前雪家徒壁上霜
病蹄依棧豆倦翼盼杭梁竟以臂邊鳥求爲圈外狼

粒丹渾大藥彈指卽慈航河賜龍圖笑江分鮒轍殃
官應先解貴祿固厚沾良選佛廣收錄散仙歸列行
室家均挾纊金石免歌商歇后頭銜改歸依足迹彰
拈花開妙悟厲秣待馳颺塗粉學新嫁倒縷愁老娘
波斯珍磊磊銅掌露灑灑寧用俳諧體專由急就章
秃毫呵凹瓦昏檠點殘肪雞肋惜投筋牛溲終倒倉
卷弓怯輕綺亂轍墮垂韁棘小猴難刻繭殘蠶欲殭
識丁難自許塗乙未能遑無累惟除惱多聞可作糧
竿頭隨了于壺裏足商羊所愧飲河颺反疑傷稼蝗
聰明徒現在煙火揔魔障犖确依山畝蕭疎枕水庄

墻紅衣薜荔谷翠繞篔簹書著令兒讀樽傾待婦藏
御窮心易足養懶體因康曉繳鳧堪弋秋罾蟹可綁
是誰主張者豈我太過量試顧中宵影燈花落短床

安定寺同星玉子田穉良作

二月二日天氣寒今年花樹吝春顏行過城東向郭
外苦無佳語懷難寬隨緣來到寺中憇石氣松色仍
改觀寺殘賴有屏壁勝雲壇綠字微古剗冷淡穠郁
知一例便將此事成喜歡自笑三生根下下詩情酒
意憑佛欄粥鼓禪板催互換後身初地無倪端山外
數步淒涼野萬箇饅頭土團團缺界當日身未脫愛

河何人淚先乾寒泉一盞薦功德地獄天堂俱兩安
白胤鎮

胤鎮字胄卿號硯南景炫孫

西園小集

斜日臨峰外峰陰蒲小臺客同黃鳥至門對碧山開
酒是忘憂物書爲引睡媒園芳春尚早應待故人來

餞秋

春歸容易又秋歸兀兀空齋俗事稀古木斜陽愁裏
盡寒沙賓鴈雨中飛二毛潘岳心多感一去淵明世
共違殘菊籬邊仍醉卧隨風落葉點寒衣

池泰升

泰升字景乂忠州人

愍齋書屋小集三首

退食午眠甘有誰喚我起時因問字兒拭目披經史
黃花開尚早明月上何遲惟有青山色當窻不暫離
一雨兼旬晝掩扉新晴快似解重圍葛巾蠟屐溪西
路寂寂閒雲濕不飛

金道淵

道淵字靜之號薇村鎮恒子

如斯亭喜辛雲卿至

屋語三選不卷七
嫩柳殘花洞裡天坐來木末小樓懸黃梅已熟清和
節白麥初垂上下田滿地微涼朝雨細數峰活畫夕
陽圓山家供客惟雞酒盡日酣歌任爾顛

朴奎鎮

奎鎮字景五基說姪

游紫閣山

恐作青山別徘徊出洞行晴蟬秋意早疎樹午涼生
逃矣山河壯悠哉眺望平百回泉水響爲我訴餘情
林鳳厚

鳳厚字重醇號東山光澤曾孫

贈李隱老

高鴻的的望無邊寧欲相忘卧酒船愧我窮閭攻翰
墨多君閒土管風煙摻裾縱有重逢日閉戶其如薄
暮年一樹梅花書幾卷懷人他夜坐蕭然

劉璟源

璟源字寶善號三樂齋耽津人官五衛將

鷺梁六臣祠

古廟悽涼立令人感慨深秋風悲舊跡白白照丹心
空浦惟煙浪荒原自樹林孤村夕陽暝鳥雀送哀音
張鎮國

鎮國字光之號鶴臯仁同人

挹清樓

逍遙文酒好風流極目雲煙漲遠洲數島中分平野
色千艘橫繫大江秋跡非王粲登無賦地憶參軍醉
可遊自是山川同旅舍去牛來馬日無休

金誠熙

誠熙字孝卿號菊圃敬熙弟

懷人

一片嶺頭雲飛來又飛去願隨一片雲飛到相思處
澗上作

青山積雨晴病與秋風起薄晚欲何之披襟臨澗水

洪忠達

忠達字君信號松西南陽人

暮春遊宋洞

流觴記得永和初溪路相隨雨過餘入谷乍聞饒舌
身臨池更數細鱗魚紅英點綴籬邊樹蒼蘚模糊壁
上書莫道緇塵隣巷陌百年高躅此幽居

金傲植

傲植字戒若德亨孫

訪友人不遇

尋君老槐下寂寂掩閒門細草通幽逕殘花照古原
鳥還人不至谷靜水空喧回首雲深處迢迢欲忘言
吳點壽

點壽字性甫號南巷天弼子

野中口號

野草霏霏路南風大麥秋豈無高士志長笑潔身流
葉密穿黃鳥灘清下白鷗每從心會處景物倍悠悠
田琦

琦字瑋公號古藍闕城人

雪屋

門外屐痕過訪疎半庭積雪暎窻虛土壚火冷黃昏
近猶自牀頭勘古書

爲愚溪作梅花詩境圖仍題三首

平生不識梅花訣胸裏槎牙苦未刪欲向涪翁參妙
語嫩寒清曉到孤山
墨汁縱橫當草書不須珠暈鐵圈於幢幢短燭蘆簾
底夢落銅坑雪霽初
青李齋頭一樹春五兄佳句闢清新短屏圍住新詩
境憶否巡檐索笑人

梧社秋夜陪主人丈偕雨帆悅卿作

淡黃新月一鈎寒留得佳期對玉槃
種菊真同古人愛著書多與後生看
深甌活火松風灑半壁殘山墨雨乾
愧乏詩篇酬好夜年來病思苦相干

李馨達

馨達字治叔號安溪學懋孫

睡起

午枕忽驚起琴語當風急尋聲終不見
一樹梧桐立暮春病起

三旬吟病卧不省百花時今早始開戶
紅桃爲我遲

碧梧桐

葉葉枝枝早識秋滿庭碧意上簾鈎
斜陽盡處蟬聲咽喚起離人無限愁

朴基祚

基祚字錫甫號霞堂允默子登武科官主簿

讀名山記

名區靈境几床間縱未冥搜若可攀霞
意雲情清似水胸中森列幾名山

平澤邨舍送友

怊悵人去白雲空復多支願惟短什搔
首且長歌落日今如此秋風可柰何樽
中有餘酒獨酌不成醅

吳庠秀

庠秀字杏老號西史永河子中進士

紫泉臺

伽椰春入百花開鶴上仙人去不廻十里明沙何處
所文昌城外有荒臺

赤壁

福順東閣小有天千尋峭壁俯長川太始嵌巖蔽夜
雪空明積水掃秋煙寒渚鷺飛紅蓼遠暮林猿叫碧
蘿懸祗今猶有滿亭月不見當時吹笛仙

奉和心翁

畫堂春酒薄餘寒明月徘徊上曲欄門淨楊花飄亂
雪庭虛松籟瀉幽灘念年學道心千里獨夜懷鄉意
萬端幸是蒹葭依玉樹風流文物得親看

鄭大洽

大洽字季湛號葳窩漢陽人

偶吟

門掩清溪柳影斜幽居涔寂似禪家山翁終日閒無
事閑落薔薇數朶花

劉漢鍾

漢鍾字雲卿相祐曾孫

秋日與諸益謾吟

老樹含秋色遙空澹夕暉白雲臨澗靜黃葉繞窻飛
興到詩還健身慵事亦稀西園楓菊好携酒爾同歸

首夏卽事

暖日輕風拂柳晴惺惚鶯語轉分明濃陰鎖戶涓涓
滴晚靄浮簾細細生小榻香殘詩未就遙岑雲捲畫
新成樽前忽憶溪山趣醉後空勞夢裏情

金濬熙

濬熙字文有號癡庵秀齡子

月夜

寒月滿庭中皎明清晝同綠何山犬吠落葉闌溪風

晚飲申氏園亭

懶擲巾裳面帶醺花經朝雨減芳芬山亭客散禽相
語洞樹依依入暮雲

林性煥

性煥字君善號梅農光澤玄孫

秋夜

高秋賞月夜難分紫閣樓臺半宿雲數鴈初飛寒葉
落一天如水遠鍾聞自慚陋質鶯遷谷已喜仙姿鶴
出羣叢桂休歌招隱操那將塵刹報明君

失名氏

谷口老人

偶題

淡雲衰柳共為秋
盡日林塘水氣幽
翠鳥掠魚時不
中歸飛端坐碧蓮頭

采樵童子

曉行

店樹橋雲曉色凄
行人秣馬第三雞
阿郎販豈京城
去少婦春歸月在西

無名氏

雅調十三首

郎執木雕鴈妾奉合乾
雉鳴鴈飛高兩情猶未已
福手紅絲杯勸郎合歡酒
一杯生三子三杯九十壽
郎騎白馬來妾乘紅轎去
阿孃送門戒見舅拜勿遽
兒家廣通橋夫家壽進坊
每當登轎時猶自淚沾裳
一結青絲髮相期到蔥根
無羞猶有羞三月不共言
四更起梳頭五更候公姥
誓將歸家後不食眠日午
養蠶大如拳下階摘柔桑
非無東海紬要驗趣味長
為郎縫衲衣花氣惱儂倦
回針挿襟前坐讀淑香傳
阿姑賜禮物一雙玉童子
未敢顯言佩結在流蘇裏

小婢窻隙來細喚阿哥氏思家如不禁明日送轎子
人皆戲秋千儂獨不與偕宣言臂力脆恐墜玉龍釵
真紅花布褥鴉青土紬衾何必雲紋錦四龜鎮黃金
人皆輕錦繡儂重步兵衣旱田農夫鋤貧家織女機
無名氏 一云鄭鳳卽樵夫

販樵

翰墨餘生老採樵兩肩秋色動蕭蕭山風吹入長安
路曉到東門第二橋

釋子

彥機

號鞭羊子西山門人

贈覺地

興來長嘯上高樓明月蘆花兩岸秋最好一聲漁父
笛夜深吹過白鷗洲

法堅

號竒巖西山門人

送松雲之日本

終日思君不見君倚樓魂斷海天雲邨堪落葉秋風
外半夜疎鍾月下聞

大同江懷古

吟傍煙波古渡隈百年塵世轉堪哀繁華落日雲初
散往事春風鳥獨迴畫角數聲人寂寞清笳一曲客

徘徊憑誰欲問與二事江水滔滔去不來

清學

字守玄號詠月西山門人

懷人

山川重隔更堪悲回首天涯十二時寂寞山牕明月
夜一相思了一相思

送僧方丈

鸞鳳何宜棲枳棘飄然逸翮駕春風煙霞事業詩千
首山水行裝竹一筇三昧成來三界滅六牕開去六
塵空欲知格外禪家趣萬古崔嵬般若峰

性聰

號栢菴

驢雪岳住龍門寺二首

龍門春暖化為龍雷雨飛騰上碧空鬢鬣脫來頭角
聳早知終不在池中

橫海脩鱗羽化初怒搏風翮勢凌虛不妨斥鷃卑飛
笑下視濛濛九萬餘

明眼

字百愚號石室又號雪岳性聰門人

示禪河道人

心是彌陀佛從來不在西若向他方去迢迢十萬餘

答雙明大師問

初登方丈參無影後入曹溪見柏庵傍人莫問何宗

音一子均沾兩乳甘

秀演

字無用以字為號龍安人性聰門入

七峰庵

水浦前江鏡面平岸風微動錦紋成渺茫何處耽羅
島雲捲南天一髮青

處能

號白谷

寄呈江陽金明府

萬壑秋雲曉千峰落月時相思一枕夢隨鴈到江湄
秋日寄呈忍尊宿

霜着楓林葉盡紅隔簾輕靄小溪風多情最愛黃昏

月來照幽人寂寞中

天柱寺敬呈白洲相公

信宿曾遊寺風光記往年曉雲濃滿峽春雨細鳴泉
深樹鶯聲老幽庭草色鮮悠悠生別意把筆寫新篇

過東淮先生舊宅

痛哭先生宅誰為百世師往時知己樂今日盡情悲
蒲案詩書在沾襟涕淚垂幽冥真迥隔空讀八哀詩

題浮山寺

俯壓蒼龍窟平臨白馬灘山河連百濟棟宇自三韓
絕壁松陰轉澄江月影寒夜深無夢寐長嘯倚闌干

敬呈東淮先生

峽裏清江江上邨風煙自是仲長園春來有課詩千
首老去無心酒一樽對客慙憑花外檻送僧還閉雨
中門西峰結社相從約兩歲迢迢只夢魂

志安

字稱三號叟惺

酬法蓮

柴扉長掩小溪湄花落花開摠不知剛被故人來索
債一年春盡始題詩

海源

字天鏡號涵月咸興人志安門人

心燈

歷劫傳傳無盡燈不曾挑剔鎮長明任他雨灑兼風
亂漏屋虛牕影自清

叢石亭

天分碣石作靈區獨立東溟幾劫秋鶴背仙翁何代
去鰲頭玉柱至今畱千條盡是秦車載六面無非禹
斧鏊更有夕陽清賞處漁翁孤棹碧波流

聖機

號翫松郭山人

秋夜

寂寂孤燈夜僧閒磬自鳴梧桐秋雨過葉葉帶寒聲

宿江頭

落鴈下長洲風帆歸遠浦客宿暮江頭寒楓秋夜雨

山樓

千峰天外出星月動虛樓一望滄溟濶心神萬里遊

山客

山梅落盡野花飛谷口春殘客到稀遙望千峰紅樹裏杜鵑啼處一僧歸

宇平號大雲平康人居金剛山鉢淵寺

水落洞林亭

楊柳和風盡日吹山花開爛小溪湄人閒不管身榮辱客罕非關路險夷象外煙霞胸裏淡世間膏火夢

中進圖書滿壁成幽趣魚鳥相忘好與期

頓認號西岳秦川人

和天燈趙生韻

多歲山林道味閒落花啼鳥掩柴關山人病卧無餘事手把禪書和睡看

謹次睦參議藥山西將臺韻

萬仞岡頭雪堞開九龍江水抱山迴登臨日月三天近顧眄風雲七郡來無事甲兵蔽武庫有時歌舞見東臺孤吟病肺還多渴願借城中都護杯

義沾字子宜號仁岳達城人

偶登

心頭不許到纖塵
纔涉思惟便失真
要識西來端的
意落花啼鳥滿山春

漢陽僧慶鶴訪余嶺南受金剛經問其姓則
盧援古證今事有偶合口占以示之

黃梅消息得盧能
一卷金剛半夜燈
君去試看江漢
水新磨鏡面徹天澄

蓼江別聰上人

蓼江水落客言歸
峽口雲晴木葉稀
畱醉每謀明月
夜離愁却值菊花時
鷗邊帆影人南去
霜外秋聲鴈

北飛笑我湖邊猶旅食
故山松桂鎖巖扉

女子

元氏

號繡香閣

七夕

烏鵲晨頭集絳河
免教珠履涉清波
一年一點相思
淚滴下人間雨脚多

呈玉山

秋清池閣意徘徊
向夜憑欄月獨來
滿水芙蓉三百
本送君從此為誰開

芙蓉

號雲楚成川妓

孤憤

蘭苔花發在芳蹊，畱待三春翡翠棲。
無寧寂寞捐林莽，羞逐狂風落溷泥。

奉贐監市御史北關行臺

鸞鳳風姿映道周，家家夾路捲簾鈎。
北方縱有揚州橘，悵望車塵未敢投。

敬次一碧亭韻呈瓊山

殘星斜漢捲簾疎，悵望伊人隔樹居。
欲採汀花情未了，忽聞風笛意何如。
那堪獨夜秋清後，微步中庭露下初。
隨意高飛隨意躍，江湖真樂在禽魚。

竹香

號琅玕平壤妓

畫蘭

美人香草舊盟寒，還向離騷卷裏看。
灑墨江南何處是，西風腸斷馬湘蘭。

暮春呈女兒鷗亭道人

魴魚時節養蠶天，遠近春山揔似煙。
病起不知春已暮，桃花落盡小窻前。

江村春景

千絲萬縷柳垂門，綠暗如煙不見邨。
忽有牧童吹笛過，一江煙雨自黃昏。

太一 槐山媚

四絕亭遇諸學士席上口吟

三月離家九月歸
秦山楚水路依依
此身恰似隨陽鳥
行盡江南又北飛

風謠三選卷之七

風謠三選跋

往在

英廟丁巳省齋高時彥采民間佚詩一百六十二家
作昭代風謠後六十年

正廟丁巳松石園千壽慶而已
廣張混續選二百三十三家俱行于世今

上八年又值丁巳於是劉君在建
崔君景欽思繼前人之躅得三百五家名曰三選
庸付剗削昔元遺山著中州集夢詩鬼數百來賀彼九原者亦幸其
詩之傳耶夫生平蓬葦結髮事鉛槧白首矻矻所

就雖有大小若不累外物舍英擿藻力追古人其志不可沒也其有子姓者世其業梨棗縹緗固已焜耀當世矣徃徃生不藉其力死不爲傳後計殆將泯焉者有之詩果能窮夫人歟而二君罷勉蒐羅鳩財印布使隻字片句圖永不朽古人云傳人遺詩與掩人遺骸同功良亦仁心之用博矣况聖朝菁莪之化有爛然可觀是豈直九原之幸已哉是歲秋玉山張之琬書

